

Na temelju člana 72. Zakona o javnim nabavkama Bosne i Hercegovine („Službeni glasnik BiH“ broj 39/14), a nakon provedenog postupka javne nabavke, ugovorene strane:

- 1. KANTONALNO TUŽITELJSTVO KANTONA SARAJEVO – ul. Radićeva br.6, Sarajevo, kojeg zastupa Glavna Kantonalna tužiteljica Kantona Sarajevo DALIDA BURZIĆ, ID: 4200223290004, (u daljem tekstu: Kupac);**
- 2. „IMTEC“ d.o.o. Sarajevo, Bosanski put b.b.,71380 Ilijaš, kojeg zastupa direktor Jakub Čehić ID: 4200918780002 (u daljem tekstu: Prodavac);**

zaključuje se slijedeći

U G O V O R **o nabavci klima uređaja**

Član 1.

Predmet ovog Ugovora je nabavka, isporuka i ugradnja klima uređaja s popratnim materijalom, i to: Klima uređaj – Unutrašnja zidna inverter sustava – 6 kom i Klima uređaj - Vanjska jedinica split sustava – 6 kom, za potrebe Kupca, po ukupnoj cijeni ponude u iznosu od 6.708,12 KM (slovima: šesthiljadasedamstotinaiosam i 12/100 KM) sa PDV-om, a u skladu sa tehničkom specifikacijom tenderske dokumentacije broj: A-III-41/18 od 22.05.2018. godine.

Sastavni dio ovog Ugovora je prihvaćena Ponuda Prodavca broj: 00587/18-2 od 04.06. 2018. godine. U cijenu ponude uključeni su svi troškovi nabavke (isporuke, ugradnje-instalacije, konfiguraciju, testiranje, puštanje u rad i edukacija osoblja u vezi rukovanja istim).

Član 2.

Prodavac se obavezuje da će isporuku i ugradnju opreme iz člana 1. izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke i dostavljene opreme. Kupac će utvrditi razuman rok za ispravku propusta Prodavca, u smislu izvršene nabavke i za račun Prodavca.

Član 3.

Kupac je dužan uz predmet nabavke dostaviti i sve neophodne dijelove, materijale i software, koji čine integralni operativni dio svake komponente, a koji su neophodni za normalno funkcionisanje iste.

Član 4.

Plaćanje će se izvršiti najkasnije u roku od 30 dana od datuma ispostave fakture za uredno isporučenu opremu. Plaćanje se vrši putem JR Trezor Kantona Sarajevo, na žiro račun Prodavca broj: 1410010000522607 otvoren kod BBI banke.

Član 5.

Prodavac se obavezuje, da će u skladu sa članom 1. ovog Ugovora dostaviti opremu Kupcu, u skladu sa narudžbom iskazanom u pisanom obliku. Isporuka opreme je jednokratna, DDP prostorije Kupca. Prodavac se obavezuje na rok isporuke navedene opreme najkasnije 30 (trideset) dana nakon obostranog potpisivanja Ugovora.

Član 6.

Prodavac se obavezuje na garantni rok za isporučenu opremu u trajanju od 12 mjeseci od momenta isporuke i montaže predmetne opreme. Servis u garantnom roku je besplatan. Tokom trajanja garantnog roka, Prodavac se obavezuje, u roku od 48 sati od dijagnosticiranja kvara, isti ukloniti, a u slučaju da to nije moguće, obavezuje se u razumnom roku izvršiti zamjenu tehnički neispravne opreme.

Član 7.

Ugovorne strane su saglasne da će eventualne sporove pri realizaciji ovog Ugovora, rješavati mirnim putem, u suprotnom, priznaju nadležnost Općinskog suda u Sarajevu.

Član 8.

Na ostala prava i obaveze Ugovornih strana, koje nisu regulirane ovim Ugovorom, primjenjivat će se odredbe Zakona o obligacionim odnosima.

Član 9.

Ovaj Ugovor se zaključuje na određeni period, do realizacije nabavke iz člana 1. i 3. ovog Ugovora i postupanja Prodavca po eventualnim primjedbama Kupca, u pogledu nedostataka vezanih za kvalitet i realizaciju nabavke.

Član 10.

Ovaj Ugovor stupa na snagu danom potpisivanja obje ugovorne strane.

Član 11.

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

PRODAVAC:

KUPAC:

Direktor:

**Kantonalno tužilaštvo Kantona Sarajevo
Glavna Kantonalna tužiteljica:**

Dalida Burzić

Broj: 2836/18
Sarajevo, 21.06.2018. godine

Broj: A-III-41/18-VII
Sarajevo, 20.06.2018. godine